



Tuhaqtitauyughaq

Hivuliqti Aariak Ilauyuq uvani Atanniqtuiniqarutiqarnirmut Huliniinni



ALERT, Nunavut (April 26, 2010) - Hivuliqti Eva Aariak, Minista Daniel Shewchuk, unalu Katimayiyuq Maligaliqviki uvunga Quttiktuqmut Ron Elliot uplumi ilauvaktut umiktirningani uumani *Operation NUNALIVUT 10* atanniqtuiniqarutiqarnirmut aullaarnirmi uvani Alert, Nunavut.

“Quvianaqtuq hamaniinnama Alertmi ikayurhugillu ukuat Atauttikkut Havaqatigiiktut Ukiuqtaqtumi ukiuq tamaat atanniqtuiniqarutiqarnirmut aullaarnirmi Ukiuqtaqtumi,” uqaqtuq Hivuliqti Aariak.

Hivuliqti Eva Aariak uqaqatigiya Kanadami Anguyaqtinguak talvani *Operation NUNALIVUT 09* aippaangani Eureka-mi.

“Nunapta pitjutaa atanniqtuiniqaruniqaptikni uvani angiyumi ukiuqtaqtumi, pitjutiuyuq imaatut atauhirmik-tallimauyunit Kanadaup nunagiyainnit, tunnganiqatut taimanga Inuit nayuqpaktainnit atuqpaktainninlu nunanik, imainnik pitqutainniklu, uumingalu naunaiyattiarhimayumi Kanadami pilaarutimik,” uqaqtuq Hivuliqti Aariak.

“Takuyaqturniit taimaatut *Operation NUNALIVUT 10* naunaiyaffaaqtitaa atauttikkut ukiuqtaqtumi kavamatuqatkunnilu piyumanik ikayurumaplugut Kanadaup pitjutaa atanniqturarniganut.”

Operation NUNALIVUT 10 atauhiyuq pingahuni angiyunik Kanadaup Anguyaktiinni huliyaqtuqpakninginni Kanadaup Quulliqpangyuni Ukiuqtaqtumi, pivakhutiklu April 6mit, April 26mut, 2010 talvani tununganiitqiyayumi nuvuani Ausuittup Qikiqtaani haniani CFS Alert, Ward Hunt Point uumanilu Alert Point.

“Nunavunmiut quviagiqpiaqtait Kanadami Anguyaktinguat, ilauvaktut uumani hulinirmut qinriaqturhutik amirhiyaqturhutiklu,” uqaqtuq Minista Shewchuk. “Qauyihimaqpiarniit ukiuqtaqtumi avatimi anginiqapiaqtuq ukununga atanniqtuiniqarutiqarnikkut takuyaqturnirmi imaatut.”

Ilauyut tunngahuqvaktait utiqut Anguyaktinguat, ilauyuqlu una Danish Sirius qinmikuqtut takuyaqtuqtut, qunngiaqpakhutit amigaittut takuyayughat, ilauyullu tulaktarvikmi ihivriunikkut puuvyaqtit, ilauvaghutiklu umiktirnikkut pihungnirmi.

